

(۱)

✽ فهرست ✽

مقدمه	۲۵
✽ باب اول ✽ عقبه علم بیائنده	۱۵
(فصل) مکلفات خصوصنده بعض تفصیلات	۳۱
باب الطهاره	۳۲
(فصل) آبدستک فرضلری وسنتلری	۳۲
(فصل) آبدستک ادبلری	۳۳
(فصل) آبدستک مکروهلری	۳۴
(فصل) غسلك فرضلری	۳۴
(فصل) بش یرده غسل فرضدر	۳۵
(فصل) تیمی بوزنلر	۳۸
(باب المسح علی الخفین)	۳۹
(فصل) مسحی بوزانلر	۴۰
(باب الحيض)	۴۰
(باب التطهیر النجاسه)	۴۳
(باب الصلوة)	۴۴
(فصل المواقیت)	۴۴
(فصل الاذان)	۴۶
(باب الشروط الصلوة)	۴۶
(باب الصفة الصلوة)	۴۷
(فصل) نمازك شرائط واركاننده بعض دقائق	۴۹
(فصل) نماز ایچنده آبدست بوز بلورسه	۵۳
(باب الامامة)	۵۴
(باب ما یفسد الصلوة)	۵۶

(٢)

(باب ما يكره في الصلوة)	٥٦
(باب الوتر)	٥٧
(فصل في النوافل)	٥٨
(فصل في قيام رمضان)	٥٩
(باب ادراك الفرائض)	٥٩
(باب قضاء الفوائت)	٦١
(باب سجود السهو)	٦٢
(باب الزكاة) (باب الزكاة الاموال)	٦٥
(فصل ابل)	٦٥
(فصل في صدقة البقر)	٦٦
(فصل في صدقة الغنم)	٦٧
(فصل في الخيل)	٦٨
(فصل في صدقة الفضة)	٦٨
(فصل في الذهب)	٦٩
(فصل في العروض)	٦٩
(باب زكاة الزرع والثمار)	٧٠
(باب المصارف)	٧١
(باب صدقة الفطر)	٧٢
(باب الصوم)	٧٣
(باب ما يفسد الصوم وما لا يفسده)	٧٤
(باب الحج)	٧٦
(باب في تفاصيل اركان الحج)	٧٨
(فصل) احرام كيه جك يره وارد قدّه	٧٩
(فصل في دخول مكة)	٨٠
(فصل الجنائيات)	٨٣

﴿باب ثانی﴾ عقبه توبه بیانده	۸۵
(فصل) توبه خصوصنده تفصیلات	۹۲
(فصل) عقبه توبه نك قطعی حقنده	۹۶
(فصل) بعد التوبه افعال لازمه	۹۸
﴿باب ثالث﴾ عبه دعوائی بیانده	۱۰۰
(فصل) عبادته عایق اولنلرك ایکنجیسی خلقله اختلاط اولدیغی	۱۰۷
بویابك اوچنجی خصلتی شیطانله محاربه قیلقدیر	۱۲۳
(فصل اول) خاطر خیرایله خاطر شرك فرقی	۱۲۹
(فصل ثانی) خاطر شرك تدقیقی	۱۲۹
(فصل ثالث) خاطر خیرك تدقیقی	۱۳۰
(فصل) شیطانك حیلله و خدعه لری	۱۳۲
(فصل) عبادته عایق اولنلرك درنجیسی نفس انسانی اولدیغی	۱۳۶
(فصل) کوز تقوای بیانده	۱۴۶
(فصل) قولاق تقوای بیانده	۱۴۸
(فصل) لسان تقوای بیانده	۱۴۹
(فصل) کوکل تقوای بیانده	۱۵۳
(فصل) عجایب القلوبدن بعض خصائل بیانده	۱۵۹
(فصل) غذا امرنده تقوا بیانده	۱۷۳
(فصل) برنکته لطیفه بی حاویدر	۱۸۷
(فصل) بواعضای اربعه نك تقوای حقنده تفصیلاتی حاوی	۱۹۲
﴿باب رابع﴾ عقبه عوارض بیانده	۱۹۸
برنجی عارضه رزق بحثی	۱۹۸
ایکنجی عارضه رزق امرنده انسانه عارض اولان خطرانه دائر	۲۱۳
اوچنجی عارضه نفس و شیطانله مخالفتدن عارض اولان	۲۲۰
مصائب و بونلره صبرك لزومی حقنده	

۲۲۸	(فصل) بوعارضه نك اهميت قطعنده بعض معلومات
۲۳۱	(فصل) بوبابده بعض نكه لر بيانده
۲۴۳	(فصل)
۲۴۵	* باب خامس * عقبه بواعث بيانده
۲۴۵	خوف ورجا بحثي
۲۵۰	(فصل) بوعقبه نك كمال تحرز واحتياطله قطعي لزومنه دائر
۲۵۳	* اصل اول * ترغيب وترهيبه دائرآيات كريمه بيانده
۲۵۵	* اصل ثانی * حق تعالينك عباديله اولان معامله سي بيانده
۲۶۲	* اصل ثالث * حق تعالينك وعد ووعدی بيانده
۲۷۰	* باب سادس * عقبه قوادح بيانده
۲۸۳	بوعقبه نك كمال تحرزله قطع اولنسی حقنده
۲۸۴	ريافتلری حقنده اصول اربعه
۲۸۴	* اصل اول * واصل ثانی *
۲۸۵	* اصل ثالث * واصل رابع *
۲۸۷	عجب آفتلری حقنده اصول اربعه
۲۸۷	* اصل اول *
۲۸۹	* اصل ثانی *
۲۹۰	* اصل ثالث *
۲۹۳	* اصل رابع *
۲۹۲	(فصل) بوبابده وجوب تأمل صادق حقنده
۳۰۹	* باب سابع * عقبه حمد وشكر بيانده
۳۱۶	(فصل) حمدونكر ايكی اصلده تأمل ايله ميسر اولديغی حقنده
۳۱۶	* اصل اول *
۳۲۰	* اصل ثانی *
۲۳۳	(فصل) بوبابده بعض نكتلری شاملدر

❖ منہاج العابدین ❖

❖ بسم الله الرحمن الرحيم ❖

حمد جبیل بی حد و شکر حزیل بی عدا اول خالق کونین و رازق
ثقلینہ کہ مخلوقک و جودی آنک جودی بجرندن برقطرہ
وجہالی پرتوندن برلعه در و مصنوعات کائنات و نظام
امور ممکنات آنک برلکنہ و وارلغہ دبلل قاطع و برہان
ساطعدر و صلوٰۃ بی غایات و تمجیات بی نہایات اول پیشوای
امت و رہنمای ملت پادشاہ تختکاه شریعت آفتاب جہان تاب
طریقت و حقیقت مرآت صفات خدا محمد مصطفیٰ علیہ الصلوٰۃ
والسلام اوزرینہ اولسونکہ خاتم نکین نبوۃ و مسند نسین
مرؤتدر و دشتی بدور بروج قرابت و کواکب ثواقب ہدایت
آل کرام و اصحاب عظام اوزرلرینہ اولسونکہ بونلر اجلہ
ممالک سبادت وادلہ مسالک سعادتدر (اما بعد) ای رہ روان
شریعت وای سالکان طریقت وای طالبان حقیقت

بیلاک

يٰلَا اَكَاہ اُولَک کہ مدلول قرآن کریم و فرمان یزدان
 حکیم بونک اوزرینہ در حکیم انیس ایلہ جن طائفہ سنی تغیر
 وجود ایلہ معین و زیور ادر اکلہ مزین اولقصدن مطلب اعلی
 و مقصد اقصى حضرت رب العزتہ خلوص نیت و شوق محبت برلہ
 عبادت ایلکدر تا کہ کوکلر صیقل عبادت ایلہ مجلی اولوب
 مرا یاء اسماء و عبرت نماء اشیا اولہ لر و خاصہ نوع انسان
 بوسکان کون مکان کوتور مکہ طاقت کتور مدوکی امانت
 یوکنی متحمل اولغہ امکان متبسر اولہ پس ابدی معلوم اولدیکہ
 علم شجرہ سنک ثمرہ سی و عمر سرمایہ سنک فائدہ سی اللہ تعالی
 حضرتلرینہ عبادت ایلکدر رودخی اولیانک شعارى و انبیانک
 مختاری و سعادتک سبیل و جنتک دلیلی و دردیمنک درمانی و ربمنک
 فرمانیدر نیکیم کتاب کریمندہ بیورر ﴿ وانا ربکم فاعبدونی ﴾
 یعنی بن سیرنک ربکزم و عبادتی بکا ایدک زیرا کہ ربوبیت سبب
 معبودیتدر و دخی بیورمشدر کہ ﴿ ان هذا کان لکم جزاء و کان
 سعیکم مشکورا ﴾ یعنی آیت سابقہ دہ وعد اولسان ثواب
 و حسن مأب سرنک اخلاصہ قلد و غکر عبادتک جزا سیدر
 سعیکز ضایع دکلدر لکن بو طریقک ابتدا سندن انتہا سنہ
 وارنجہ نظر واثق و تأمل صادق برلہ تفکر و تأمل
 قیلسہ ق بوسبیلک سلوکنی زحمتلو و قطعنی مشقتلو بولورز
 عقبات چوق و شداید نہ نہایت یوق بعیدۃ المسافہ و عظیمہ
 آلافہ عوایق بی حد و قوا دخی بی حد مہالکہ سی حد سز
 واعداسی اورانسز هوا و هوس یولی کبی کسادہ و آزادہ دکلدر
 واقعاً مقتضایات حکمت بودر کہ طریق عبادتہ کمال

۴
 ۱۱۱
 یلک و آکاہ اولک کہ مدلول قرآن کریم و فرمان یزدان
 حکیم بونک اوزرینہ در حکیم انیس ایلہ جن طائفہ سنی تغیر
 وجود ایلہ معین و زیور ادراکلہ مزین اولقشدن مطلب اعلی
 و مقصد اقصی حضرت رب العزتہ خلوص نیت و شوق محبت برلہ
 عبادت ایلکدر تا کہ کوکلر صیقل عبادت ایلہ مجلی اولوب
 مرایاء اسماء و عبرت نماء اشیا اولہ لر خاصہ نوع انسان
 یوسکان کون مکان کوتور مکہ طاقت کتور مدوکی امانت
 یوکنی متحمل اولغہ امکان متبسر اولہ بس ابدی معلوم اولدیکہ
 علم شجرہ سنک ثمرہ سی و عمر سرمایہ سنک فائدہ سی اللہ تعالی
 حضرتلرینہ عبادت ایلکدر و دخی اولیانک شعاری و انبیانک
 مختاری و سعادتک سبیلی و جنتک دلیلی و دردیمنک درمانی و ربمنک
 فرمانیدر نتکیم کتاب کریمندہ بیورر ﴿ وانا ربکم فاعبدونی ﴾
 یعنی بن سیرک ربکرم و عبادتی بکا ایدک زیرا کہ ربوبیت سبب
 معبودیتدر و دخی بیورمشدر کہ ﴿ ان هذا کان لکم جزاء و کان
 سعیکم مشکورا ﴾ یعنی آیت سابقہ ده وعد اولنان ثواب
 و حسن مأب سزک اخلاصله قلدر و عکر عبادتک جزا سیدر
 سعیکر ضایع دکدر لیکن بو طریقک ابتدا سندن انتہا سنہ
 وارنجہ نظر واثق و تأمل صادق برلہ تفکر و تأمل
 قیلسه ق بوسبیلک سلوکنی زحمتلو و قطعنی مشقتلو بولورز
 عقبات چوق و شد ایدنه نہایت یوق بعیدۃ المسافہ و عظیمہ
 آلافہ عوایقی بی حد و قوا دخی بی حد مہلکہ سی حد سز
 واعداسی اورانسز هوا و هوس یولی کبی کسادہ و آزاده دکدر
 واقعا اقتضاء مقتضایات حکمت بودر کہ طریق عبادتہ کمال

صعوبت اوڙرينه اولوز که سبيل جليل جنت ومنهاج معراج
 سعادت در بونک کي دولت بي قيمت اولز و بونعت بيمت ويرلز
 گورمز مسنکه کل بي خار و کنج بي مار و عشرت بي عسرت
 و راحت بي محنت کس نه يه ميسر اولماز درد چکمينلر درمان قيمت
 بيلز و جان و ير مينجه جانان اله کيرمز و حديث رسول صادق
 بومعنا ي مصدق در که بيور مشدر (ان الجنة خفت بالمکاره
 وان النار خفت بالشهوات) يعني جنت اور تلمشدر زحمتلو و مشقتلو
 ايشلر ايله اول زحمتي ارتکاب ايلمينجه جنته وارلماز و دخی جهنم
 اودی اور تلمشدر مرادات نفسله آنلری التزام ايدن کس نه نک
 و اراجق يری جهنم اوديدرو دخی بيور مشدر که (الا وان الجنة
 حزن بر بوة وان النار سهل بشهوة) يعني جنت يولی صر بندر
 يوقشدر زحمتله و اريلور جهنم اودينک يولی دوزدر آسانلغله
 و اريلور و دخی سالک احوالنه نظر ايلسک کورورز که غايتده
 ضعيف و نهايتده نحيف همته فاتر و عملده قاصر عمر آرزغل چوق
 سفر اوزاق آزق يوق دين امری ياردمسز اولز اهل دنيا
 معاونت ايتز بو تقدير جه اول سالک دردمند و طالب مستمند
 بو طريقک صعوبتنه و محنتنه بقميوب و کند و عجز و قصورينه
 التفات ايتيوب اجتهاد نام و اقدام ايله قطع منازل و طی مراحل
 قلوب مطلوبنه و مقصودينه ظفر ميسر اولور سه ابد الا باد
 عابدين زمره فائزين ايله اصحاب خالدين اولور اکر بويولده
 تحصيل اسبابنه مباشرت ايتيوب سلوکنده تکاسل و تساهل
 کوستر سه مقصود فوت اولوب حرمان ابدی
 و خسران سرمدی حاصل اولور نعوذ بالله السميع العليم

من ذلك الامر العظيم يس ايمدى معلوم اولديكه حق تعالى
 حضرتنه عبادت ايتك دنياده اولوسعادتدروبودولتى فوت
 ايتكك عاقبتى حسرت وندامتدربوطريقك مشقتدن وسالكلك
 قلت طاعتدن سلوكه قصد ايلينلر نادر دروسالكلكر ايجنده
 مطلوبه يتشئلردكلدر الاشول عزيزلردركه حضرت
 واجب الوجود ومفيض الخير والجلود آنلرى محبتله ومعرفتله
 اورنديلدى وتوفيقيله وعظمتيله هدايت ايلدى وفضليله
 وكرميله جنانه ورضواننه اولشدردى ﴿ ذلك فضل الله
 يؤتيه من يشاء والله ذو الفضل العظيم ﴾ بزعا جز بيجاره
 سر كشته وآواره لر دخی حضرت خلاق كائنات ومجيب الدعوات
 والمخفيات در كاهنده مسكنت رخسارنى مذلت خاكسارنه
 سوروب تضرع وزارى قيلورزكه اوليا واصفيا وسيد انبيا
 حرمنه دار دنياده تقوى يولندن شاشورميوب ودار عقباده
 دیدارنى بزدن مستور قليه آمين يامجيب السائلين وقتا كه
 بوطريق مشكلدن اوزكه مطلوبه موصل نسنه كورمديلر
 ايسه صاحب بصيرت اولنلر امعان نظر قلديلر بونك كيفيت
 قطعنى وموقوف عليه اولان امورنى اهليتدن واسبابدن
 وسلامت جبلتدن وعلمدن وعملدن وفى الجملة بومطلوبك
 حصولنه مد اولنلردن نه وار ايسه یدى عقبه اوزرينه
 بولديلر وييلديلر كه بوعقبه لرى قطع ايتمينجه سالكلكر طريق
 يولنى سير ايدوب وحقيقت عالنه ايرمزلاجرم مشايخ دين
 رضوان الله تعالى عليهم اجمعين بويولك عقبه لرنى ومخلصلرنى
 ومهلكاتنى ومنجياتى بيان ايتك ايجون نيجه كتابلر يازديلر

بعضی مفصل لکن مفصل اولان املالدن ومجمل اولان نوعا
 اخلا لدن خالی اولدوغی اجلدن امام همام حجة الاسلام
 نور چراغ هدایت ودلیل سبیل ولایت جامع ارکان علم وعمل
 کنجور کنوزرموزازل اول معرفت چشمه سنک آب زلالی محمد بن
 محمد غزالی قدس الله سره العزیز وافاض علی العالمین بره مؤمنینه
 احیای دین وطالبینه یقین حاصل اولوق ایچون عالمه علم
 ارمقترین اجرا ایلوب نیجه معتبر کتابلر تألیف وتصنیف
 ایلد کدن صکره آخر عمرنده عبادت امرنده اجتهاد تام
 واهتمام تمام کوستروب فصل خطاب اولوق ایچون
 منهج العابدین آدلو بر کتاب بلاغت نصاب تدوین ایلدیکه
 نظم عبارات حکم اشاراتی انک اوانی زلال معانی ارشاد
 ومبانی حصول امانی فؤاد دروهر سطر جلیل القدری عقد
 فوائد قواعد روحانی وزنجیر قنبدیل قلب روحانیدر وکواکب
 ابواب کتاب هدایت مأب مانده اصحاب نبی المختار (باهم
 اقتدیتیم اهتدیتیم) معناسی اظهار ایدر وقتا که بودردمندانی
 ومستند جانی الیاس ابن عبد الله النهائی بو کتاب مشکین نقابک
 جمال پرکالنی فوائد عقاید اهل سنت برله مجلی وزخارف
 اراجف بدعتدن مبرا ومعرا کوردیسه ومسائل روشن دلائل
 طریق تصوفده کافی وطالب دردمنده شربت شافی وهر
 معنایه مشار الیهی ائمه دین ایچنده مجمع علیه بولدیسسه
 خاطرنه خطور وضمیرنه عبور ایلدیکه دیبای زیبای عربیدن
 چیقاروب قبای رومی ایله مزین قیله ناکه لسان عربیدن
 قاصر وزبان ترکیه قادر اولان عاشق صادق قلره لباس مألوف
 وکسوت

وگسوت معروف ایچسده عرض جمال ایتدوکی احوالده
 صورت الفت کوستروب ازاله وحشت ایلله اگرچه بوغبار
 بی مقدارک نهاده اول استعداد یوغیدیکه اکابر عظامک
 کلامنی فهم ایلوب ترجان لسان ارباب عرفان اولیدی لکن
 الله سبحانه وتعالی تک فیض پرفتوحندن استمداد واستعداد
 ایلوب بوسبیلک سلوکنه اقدام تام ایلوب وکتاب مستطابک
 معنای سعادت ایمانی اداسنی عامه انسانه فهمی آسان
 وافاده سی یکسان اولقی ایچون لباس استعداددن معری
 وگسوت کنایه دن مبرا ایلدی ودخی هوش کوشله مستمع
 اولوب فحواسندن منتفع اولنلر شیخ مرشدک مشربندن
 ذوق آلوب عالم ملکوته کمال شوق حاصل قلدقده بوضعیف
 نحینی لطف ایلله یاد ایلوب دعاء خیر ایلله روحنی شاد ایلین
 مؤمنلره الله تعالی جل وعلا حضرت دنیاده رضاسن وآخرته
 لقاسن مہسرایلیه آمین یامعین ودخی مکارم اخلاقله مشهور آفاق
 اولان اکا بردوران وافاضل اعیانندن متضرع ومأمولدرکه
 بوفقیح حقیر ومعترف بالتقصیرک جرایم دفتیرنی افشا ایتکله
 تعزیر وتشہیر ایتیلر دست عنایت ایلله خطا زین اصلاح
 ایدوب دامن کرم برلہ عیپنی ستر ایلله لر مقدمات بوکابه شروع
 ایدنلر سلوکنده بصیرت اوزرینہ اولقی ایچون حضرت امام
 اوائل کلامنده اجلا مسائلنه اشارت ایلدی وبویوردیکه
 تحقیق عبدک عبادت ایچون اول امرده متنبہ اولوب طریق
 سلوکه متوجه اولدوغی اولدرکه الہام ربانی وتوفیق یزدانی
 برلہ انک کوکلنده ﴿﴾ افن شرح الله صدره للاسلام فهو علی نور

من ربه ﴿آیتک معنای ظهور ایدوب قلبی اول نور ایلله
 منشرح ومنفسح اولور حضرت رسول علیه السلام بومعنایه
 اشارت ایدوب ییوررکه (ان النور اذا دخل القلب انفسح
 وانشرح فقیل یارسول الله هل لذلك من علامة یعرف بها
 فقال التجانی عن دار الغرور والاثابة الى دار الخلود والاستعداد
 للموت قبل نزوله) یعنی نور بر مؤمنک قلبنه عبور ایلسه
 اول کوکله گکشاک وکشاده لک حاصل اولور دیدیلرکه
 یارسول الله انک بر علامتی وارمیدرکه آنک ایلله بیلنه یوردیلرکه
 دار غرودن بیحضور اولوب دارخلوده رجوع ایلکدر واولزدن
 اول اولومه یار قلنقدردن چنکه برعبدک خاطرنه بومعنا خطور
 ایلسه که کندونفسمی نیجه درلو نعمتله ایچنده مستغرق کورورین
 حیاتدن ونطقدن وعلمدن وعملدن وقدرتدن وسائر معنای
 شریفه ولذات لطیفه دن نه وار ایسه ودخی کند ووجودی
 نیجه آفتلردن ومختلردن سالم کورورین امدی بونعمتله
 برمنعمی وارد و بوافتلردن بنی برمنع ایدوب صقلیجی وارد
 قولاینه دکدر بدن شکر نعمت واداء خدمت طلب ایلر اکر
 اداسنده صورت غفلت کوسترسه م بونعمتله بنیدن زایل
 قلور یرینه مختلرو آفتلرو یرر وبومعناهی مصدق اولق ایچون
 رسول صادق کوندردی انواع معجزات واصناف کراماتله
 اظهار دین ایلدی وخبر ویردیکه بزم برریمز واردر قدیمدر
 حی قیومدر عالمدر قادردر متکلمدر سمیعدر بصیردر ایدر
 ونهی ایدر عصیان ایدنلره عذاب ایدر طاعت ایدنلره نواب
 ویرر وجیع اسراریمزی وافکاریمزی ییلور مهماتیمزی قایرور
 وانک

وانك امرينه مخالفت ايدرسه م حالم نيجه اولور ديو قيوررسه
ودخی فکر ايتسه كه بو خبر ويردوكی نسنه لر حد ذاتنده
ممکنه در انبیاك یلان سویلك شان شریفلرندن دكلدر
لاجرم اول عبتك كوكلنه آخرت اندیشه سی دوشر کندو
احوالنی قیورمغه باشلر بومر تبه یه خاطر الفرع دیرلر بودرجه یه
یتشنلر اضطرابه والتهابه دوشرلر آنلردن عذر منقطع
اولوب اوزرلرینه حجت مقرر اولور غفلت اویقوسندرن
اویانور طریق خلاص ندر و حصول امان نیله مبسر اولور
آنی تدارك ایدوب اثردن مؤثره استدلال ایتکه متوجه اولور
تکیم امیر المؤمنین حضرت عمر رضی الله عنه (البعرت تدل
على البعير وآثار المشي تدل على المسير وهذا المركب السفلي
والهيكل العلوي اما يدلان على الخیر الصانع) یعنی دوه نك
قخی دوه نك كند وكنه وواردونخنه دلالت ایدر ویوللرده واقع
اولان ایزلر یولدن كچنلره دلالت ایدر و بوزمین وزمان
ویوجه آسمان صانع دانای توانایه نیچون دلالت ایلله یه
بو حالت مذکور طریق عبادتده سالکله هجوم ایلیمان
عقباتك اولیدر بوکا عقبه علم دیرلر و معرفت طالب حق اولنلره
لازمدر كه بو عقبه یی قطع ایدلر دلائلشنده حسن نظر قلمغیله و علماء
آخرتدن استفاده ایتكله وصلحادن استدعاء دعا ایتكله
واستمداد همت قلمغیله زیرا كه بونلرك هر بریسی دلیل سبیل
معرفت و سراج و هاج امت و آفتاب جهان تاب ملندر بو تقدیرجه
طالبلره یقین حاصل اولور كه بو عالمك البته برصانعی واردر
آنك شریکی یوقیدر مجموع مخلوقات و اراق خلعتن کسیدورن

و بود راو در لو نعمت لری انعام ایدن و بزه عبادت و شکر نعمت
 امر ایدن و کفر و معصیتدن نهی ایدن و بو علم و وعید عقاب
 ایدن اولدر و بو علم یقین حاصل اولدقدن صکره وجه مزبور
 اوزرینه مذکور اولان مولایه کمال شوقله عبادت ایتمه
 منجذب اولور و امرینه امثال ایتمه صورت اهتمام کوستر
 لکن نه وجهله خدمت ایتک کر کدر ونه نک کبی عمل ینور مشدر
 بیلز که یرینه کتوره بالضروره شریعت نبویه نک فرایض
 وسنتین و واجباتن و آداین اوکرنمه مشغول اولور شرایطی
 ایله خدمتی یرینه کتوروب مولاسی حضورنده مقبول اوله
 عبادت امرنده تکمیل معرفت قلدقدن صکره عبادته یراقل نور
 لکن حانسه نظر ایدر کندوی نجاست خیائال ملوث
 و خباثت ذنوبله صاحب حدث کوروب ایدر که بن بنده عاصی
 بونجه معاصی ایچنده مولامه نه یوز ایله عبادت ایده ین ایمدی
 اول توبه ایده ین کناهدن پاک ایده ین عبادته لیاقت کسب
 ایدوب یوزمی خدمت اشکنده خاک ایده ین زیر بودرجه ده
 سالیگری عقبه توبه استقبال ایدر لازم کلور که اول عقبه ینی
 دخی قطع ایله تا که مقصوده واصل اوله بونقدیرجه قلدوغی
 کناهلرین آکار درد درونله آه ایدوب کوزلی یاشین سیلاب
 ایدر ایتدوکی ایشلره پشیمان اولور تضرع و زاری قیلوب
 مولا سندن مغفرت طلب ایدوب ایستربس حق تعالینک
 حسن توفیق و کمال عنایتیه کناهدن پاک اولور آری نور بوعقبه دن
 دخی خلاص اولدقدن صکره عقبه عوایق هجوم ایدر مطلوبنه
 مانع اولمید لاجرم واجب اولور که بوموانی دخی دفع ایله اوله
 اولسد

اولسه تأمل ایدر کورر که کندویه مانع اولردرت نسنه در بری
دنیای بری خلق بری شیطان بری نفس اماره در بودرت مانعی درت
معاونله دفع ایتکه مشغول اولور اول معاونک بری
دنیادن تجرد بری خلقدن تفرد بری شیطانله محاربه بری
نفسنه مخالفدر لکن نفسنه مخالفت سائرندن مشکدر
شول سیدن که بوندن تجرد ممکن دکدر ودخی شیطان کبی
بالکلیه قهرایک مبر اولور زیزا که روحک مر کبی در یونسز
منزل النماز لکن عبادت امرنده موافقت ایتر هوی کبی ضدخیر
اوزدینه مجبور اولدوغی اجلدن بو تقدیرجه لازم اولدیکه تقوادر
نجام اوره تا که سرکشاک اتمیه مطیع و منقاد اوله مسالکده
آشوری سالکه زحمت و یرمیه و مهالکده و مفاسدده را کبی ورطه
هلاکه دوشورمیه بو عقبه دن دخی نجات بولوب فارغ
اولدقدنصره عقبه عوارض قارشولر طالبلری کدویه مشغول
قیلوب عبادتدن آلیقور بو عقبه یی دخی تأمل صادق قیلوب کورر که
بودخی درت نوعدر بریسی رزقدر که نفس آنی طلب ایلر ایدر که
قوام بدن رزقه در بن خود دنیادن واهنشدن عزلت ایلرم رزق
بکانه یردن حاصل اولور دیو تسویشه دوشر بریسی دخی شول
نسنه لردر که خاطره خطور ایدر خوفدن ورجادن و مطبوعاندن
و مکروهاتدن عواقب امور مبهم اولدوغی اجلدن صلاح
قنده در وفساد نده در بیلز بو کتدوکی یولده اوله مهلکه یه
دوشم دیو مضطرب اولور بریسی دخی شول شداید و دور که
هر طرفدن عارض اولور خلقدن عزلت و شیطانله محاربه
و نفسله مخالفت سیدن نیجه غلر و غصه لر چکر نیجه مختلر

و مشقتلر کورر بریسی دخی شول قضا و بلالدر که حق تعالی
 طرفندن نازل اولور نفس اماره جزع و فرعه مسارع ایدوب
 مکاره کور یجک فتنه و فساد مبادرت ایتدوکی سبیدن
 سالک مسکینک باشنه نیجه حالار کتورر لابد محتاج اولدیکه
 بوعقبه یی دخی قطع ایلله درت ننه ایلله رزق امرنده الله تعالی یه
 توکل ایلله مقام خطرده امورنی حضرت حقه تفویض ایلله
 وحلول شد ایدقتنده صبر جمیل قله نزول قضا مننده حسن رضا
 کوستره بوتقدیرجه اول عقبه دن خلاص اولور بعون الله تعالی
 لکن بوندن صکره عبادته شروع ایلدکده کند و نفسنی آخرت
 امرنده غافل خیرلو ایشلرده مساهل شرو شوره بالطبع مائل
 کورر امور عبادته فتور کوستروب دائماً راحت و حضور
 استراویلله اولسه بوکه بر متحرک کر کدر شوق ذوقله طاعته
 سوق ایلله و برزاجر کر کدر که معصیتدن آنی منع ایلله بس ایمدی
 الله تعالی حضرتلرینک عابد قوللرینه وعده قلدوغی انواع
 ثوبات و اضعاف کراماتک رجاسی محرک اولوب نشاط و سرور
 اوزرینه عبادته سوق ایلر و حضرت جلیل و جبار کاهکار
 اولنلر ایچون خبر و یردوکی عذاب جحیم و عقاب الیمک قورقوسی
 معاصی و مناهیدن زجر ایدر بوکا عقبه بواعث دیرلر بوعقبه یی
 دخی قطع ایدنلر بلا مانع و علایق عبادته طالب و راغب اولوب
 کمال شوق ایلله مداومت کوسترلر لکن بودرجه ده ایکی
 اولو آفت هجوم ایدر بریسی ریا و بریسی عجب آفتیدر گاه اولور که
 عبادتی خلقه کوستر کندیویه صالح دید کلرندن فرح کسب
 ایلر بونکله طاعتنی افساد ایلر گاه اولور عبادتی امر عظیم
 اعتقاد

اعتقاد ایلر انک سببیه کندوینی مکرم کورر کند و سنده
 کرامت لر توقع ایلر عجب ایلر عملی ابطال ایلر و مشوباتی تلف
 ایلر بوکه عقبه قوادح دیرلر بونی دخی لازمدر که قطع ایده لر
 اخلاص عمل و اعتذار قصور قلغله و کندویه خدمت تکلیف
 اولندوغنی اولو نعمت و عظیم منت بلکه و حق تعالی حضرت نیک
 اولو لغنه نسبت و دنیاده و یردوکی و آخرته قلدوغنی نعمت لر
 کوره عبادتی امر محض کورمکله بو تقدیرجه اگرچه ایشلدوکی
 عملر جمیع آفتلردن سالم اولوب مقصودلری کما ینبغی حاصل
 اولور لکن بودرجه ده نظر ایدر حضرت مولانک منتلری و نعمت لری
 دریاسنه کندولرینی مستغرق کوررلر شول جهت دنکه
 عوارضدن عصمت و موانعدن حراست و قوادحدن بر آئت مبسر
 اولوب کندولرینی توفیق عبادت و خلوص نیت ایلر آراسته
 و پیراسته بولورلر اولیلر اولسه قورقارلر که ناکاه بو نعمت لک شکرینی
 یرینه کتورمکده صورت غفلت کوستردکده کفران النعمه
 اولمق سببیه بو نعم جزیله زائل اولوب عابدلر و مخلصلر مرتبه سنک
 منزلندن تنزل ایده لر لاجرم عقبه حد و شکرانلره استقبال
 ایلر اول عقبه یی دخی قطع ایلک واجب اولور کثرت حد جیل
 و فرت شکر جزیل قلغله حق تعالی حضرت لری نیک و یردوکی
 نعمت لر اوزرینه تا که اول مواید پرفواید یوما فیوما متزاید اوله
 وقتا که بو ذکر اولنان عباتدن خلاص بولسه لر اخص خواص
 سلکنده منسلک اولور مطلوبلرین و مقصودلرین حاضر و مهیا
 کوررلر آزدمت ایچنده بونک اوزرینه مداومت قلغله کندولرین
 صحرای شوقده و عرصه محبتده بولورلار طاوس جنان کبی

روضه رضوان وبستان امانده جولان ایدرلر ومجلس مناجات
وصفه کراماته صاحب صدر جلیل القدر اولورلر مرتبه ارتباط
وبساط انبساطده منظور رحمان ومقبول یزدان اولوب علو
منزلت وسمو مرتبه حاصل قیلورلر ایام بقارنده شخصله دنیاده
وقلب ایلله عقباه اولوب ساعه ساعه مترقب نعم بی غایه
اولورلر بودنیای دنیه نظرلرنده جیفه خبیثه کی کورینور بالکلیه
نفرت ایدرلر ملا اعلا یه شوقلری غالب اولور جان ودلدن
موتہ طالب اولورلر وملائکة مقربین حضرت رب العالمین طرفدن
روح وریحان وبشارت رضوان تحفه لری ابله زیارت ایدرلر
وبودار محنتدن حضرت وریاض جنتیه دعوت قیلورلر
بومرتبه ده غشاوه بصر و بصیرت مرتفع اولورلر عالم ملکوتیه
نظر ایدرلر کندولر یچون براولونعیم و ملک عظیم کورلر که
نعم دنیا و ملک بی بقا آنلرک قاتنده دانه خردلدن ادنی کورینور
وحضرت خلاق کائنات ومدبر امور ممکنات قبلندن الطاف
کماهی واعطاف نامتناهی فایض اولوب بروجهله اعزاز واکرام
وانواع انعامه واصل اولورلر که خرد خرده دان ونفس مدرکه
انسان تحریر قلم و تیز زبان وتقریر لسان فصیح البیان ایلله
شرح ایلکده قاصر ومتحیر در زهی سعادت عظما وموهبه کبرا
اول بنده مسعوده که بونک کی امر مغبوط ومقام محمود اکا
میسر اولوب ابد الآباد ازدیاد رفعت شائله داشاد اولوب اول
حضرت سلطان بارگاه ازل و فیاض لم یزدن متضرع
ومتوقعدر که بونعم خزینله بی وقربت جلیله بی بزبنده لرینه دخی جمیع
امت محمد وجماعت مات احمدی برله میسر ومحصل قیلوویره

﴿ وما ذلك على الله بعزيز ﴾ و دخی علمزدن بزی منتفع قیلوب
 وصف سما علیه قانع اولانلردن قلمیه تا که قیامت کوننده علم
 ومعرفتمزبزم اوزریمره حجت اولوب مستوجب عقوبت اولمیه
 و دخی توفیق عمل نصب ایلیوب دییاده رضاسن وعقباده
 لقاسن مېسر ایلیه آمین یا دلایل المتحیرین وقتا که سلوک طریق
 دین وعبور منهاج العابدین یدی عقبه اوزرینه ایدوکی تقریر
 سابقدن معین ومین اولد یسه حضرت امام همام بوکتابی
 یدی باب اوزرینه ترتیب ایلدی تا که عبادت یولنده پویان
 و قرب منزلت مقامی جویان اولنلر سهولت وسلامت برله
 بو عقبه لری قطع ایلیوب مطلوبلرندن ومقصودلرندن منقطع
 اولمیلر بینه و کرمه * اولکی باب عقبه علم ییئنده در * ایکنجی
 باب عقبه توبه ییئنده در * اوچنجی باب عقبه عوایق ییئنده در
 * در دنجی باب عقبه عوارض ییئنده در * بشنجی باب عقبه
 بواعث ییئنده در * آلتنجی باب عقبه قوادح ییئنده در
 * یدنجی باب عقبه حد وشکر ییئنده در *

﴿ الباب الاول فی عقبه الاولى وهی عقبه العلم ﴾

یعنی باب اول علم عقبه سنک ییئنده در ای شول کسینه که
 ریسنه عبادت ایدوب علوم مرتبه طلب ایدر وجهنم عذابندن
 خلاص وحق تعالی قاتنده خواصدن اولاق قصد ایدر
 سنک اوزرکه اولالازم اولان اولدرکه علم اوکرنه سن زیرا که
 علم بود اثره مک قطبی وبو ثمره نک لپی در و دخی بلکل که علم

و عبادت ایکی اولو کوهردر و کوهرلی تحصیل ایتک ایچون در
 کوکلر دن منزل اولان کابلر حق تعالی طرفندن مرسل اولان
 پیغمبرلر بلکه بویرلر و بو کوکلر و پرده و کوکده اولنلر جمله سی
 بونلری کسب ایتک ایچوندر نیکم حق تعالی حضرتی قرآن
 کریمده ییورمشدر ﴿الله الذی خلق سبع سموات و فی الارض
 مثلهن یتزل الامر بینهن لتعملون ان الله علی کل شیء قدیر
 وان الله قد احاط بکل شیء علما﴾ یعنی الله تعالی یدی قات کوکی
 ویدی قات یری یوغیکن وار ایلدی بونلرک اراسنده امری
 و قضاسی جاری اولور حکمی نافذ اولور تا که سز یله سز که
 حق تعالی هر نسنه یه قادر در و دخی هر شیء کنه و حقیقتیله بیاور
 و دخی خبرده کلمشدر که داود نبی علیه السلام حق تعالی یه سؤال
 ایلدی دیدی که یارب بو خلق نیچون خلق ایلدک حضرت
 رب العالمین دن جواب کلدیکه (کنت کثرا مخفيا فاجبت ان
 اعرف فخلقت الخلق لاعرف) یعنی بن برکز لو کنج ایدم سودمکه
 بلنم و بو خلق یار اتمکه بنی یله لر بس بو آیت کریمه دن و بو حدیث
 شریف دن معلوم اولدیکه زمین و آسمان و سکان مکان وادی
 عدم دن چیتوب صحرای وجوده کلکدن مقصود اصلی حق تعالی
 حضرتی ذاتیله و صفاتیله بیلکدر و دخی بو ایکی شاهد عادل ایله
 ثابت اولدیکه علم بوجهان صدقنده بر عزیز و شریف کوهردر که
 عالمده انک بدلی بولنماز و بهاسی بیلنمز و دخی حق تعالی پیورمشدر که
 ﴿وما خلقت الجن والانس الا ليعبدون﴾ یعنی جن ایله انسی
 بکا عبادت ایتک ایچون یار اتم غیری نسنه ایچون یار اتم بو آیندن
 ثابت اولدیکه وجود ثلقلین دن مقصود معبود بالحقه عبادت ایتکدر
 لکن